

Date – 01/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Horticulture Minister Prof Lalnilawma chuan Mizorama kuthnathawktute din khawchhuah theih nan state pawna thawn chhuah tlak wine siam tha a tih thu a sawi.**
- 2. Eptu party ten kuthnathawktute thar sawhthing a chhia tia sawi chungchangah sorkar an dem tih an sawi.**
- 3. Prime Minister Narendra Modi-a leh European Commission President Ursula von der Leyen-te'n thuk zawka inkungkaih an remti.**
- 4. Union Home Minister Amit Shah chuan dan lova Bangladesh mi leh Rohingya mite lo lut puitute chungah hma lak a ngai a ti.**

<><><>

MHSA PRESS CONF

Horticulture Minister Prof Lalnilawma chuan Mizorama kuthnathawktute din khawchhuah theih nan state pawna thawn chhuah tlak wine siam tha a tih thu a sawi.

Nimina Mizoram Horticulture Service Association General Conference wawi 27-na Tourist Lodge Chaltlang, Aizawl-a hmanah thusawiin Pu Lalnilawma chuan Mizorama thei leh thlai hrang hrang thar chhuahte hmanga wine siamchhuah chu a kaihhruai Horticulture department chuan hmachhawpah a nei tih a sawi a, Mizorama kuthnathawktute din khawchhuah theih nan Mizorama zawrh chhuah tur chauh ni lovin, state pawna thawn chhuah tlak wine siam tha a tih thu a sawi a ni.

Minister chuan Horticulture department hmalakna avangin thlai thar chhuah lamah Mizoramin hmasawna nasa tak a hmuh mek thu leh thlai thar chhuahte hlawk zawka hralh a nih theih nana thlai senghnua sawngbawl dan, Post harvest lama hmalakna leh hmachhawp awm mek te sawiin- dragon fruit powder siamchhuah leh thlai panga- sawhthing, Mizo hmarchate, sapthei, dragon fruit leh lakhuihthei hralhchhuahnaah Reliance company te nena an thawh ho mek thu te a sawi a, hma an sawn zel theih nan thawktute chu a ngai renga kal lovin, ngaihtuahna ti thar thei, innovative idea nei zel turin a fuih a, an hmalakna reng rengah kuthnathawktuten hlawkna an neih theih nan theihtawp chhuah zel turin a fuih bawk a ni.

<><><>

POL PARTY REACTION ON GINGER

BJP Mizoram chuan ZPM sorkar chu kuthnathawktute hmakhua ngaia sawhthing leitu Reliance Company-te inbiak rem pui dan ngaihtuah tur ah an ngai tih an sawi.

BJP Mizoram chuan thuchhuah siamin, tunhnaia Sawhthing thar tute'n an Sawhthing thar an hralh kawngah an thar chhuah aṅanga tlem tē tē chauh an leisak theih lai a, kuthnathawktute beidawnna leh lungngaihna tizual tura, Reliance Company te'na an Sawhthing lei chungchang a sawhthing ṭha tawklo thawn anga an sawi chu a pawl an ti a, hemi chungchanga ZPM-in Kuthnathawktute thlavang hauh lova, a diriam zawng leh hmusit zawngin thuchhuah an nei zui zawk tih sawiin an chet dan chu an dem takzet an ti.

Sawhthing ṭhalo deuhte pawh thawn zingah hian lo awm pawh ni se, kuthnathawktute hmakhua ngaia Reliance Company-te hi inbiak remna neih pui dan an ngaihtuah tur ah BJP Mizoram chuan an ngai a, an Flagship Prog tihhlawhtlinna leh hlawhchhamna a mawhphur tu atana kuthnathawktute mawh phurhnaa an dah daih mai chu an Flagship Programme ah an chian loh zia lanna a ni a, Sorkar chhonzawm zel tlak lo hial ah BJP Mizoram chuan a ngai a ni, an ti.

MPCC President Pu Lal Thanzara chuan Sawhthing chhia hralh chungchangah sorkarin mawhphurhna la lova Sailam leh Chamring in a khaw puma an hmingchhiat phah chu a pawiin a vanduaithlak a ni, a ti a. Export leh Import chungchangah an thil lei chu a lo tha tawk lo a nih chuan, a tha tawk lo a thliar ang a, a tha tawk a dah hrang ang a, a silfai ngai a silfai ang a, a leitu tur ten an duh tur ang ngeiin a sawngbawl tur a ni a ti a, tuna ZPM in House chhunga an aupui dan chu Kuthnathawktute hmuhsitna a ni a, a ti.

Mizo Hnam Run chhung inkhawmah nimin khan an party Gen Secy Pu VL. Krosshnehzova chuan tunlaia sorkarin sawhthing a lei chungchangah, rim leh hah taka kuthna thawktuten dem an hlawh mai chu a pawl hle a ni a ti a. Rim taka thawktute avanga leitur nei thei mai zawk an ni a. Zirtira kawhmuhtu tur zawkten an tihur an tihloh avang a dem tur zawk an ni a. Thawktute demlovin, an zak anih chuan a changtu minister leh board chairman te bang ngam zawk se, a ti.

ZPM chu thuneihna duh avanga pawl hrang hrang atanga tlantau awmkhawm an ni a. An insawi anga awmluh chu an nihna tak a ni, a ti bawk.

<><><>

KOLASIB DIGITISATION

Kolasib Dist-a Lead Bank Office te buatsaihin Kolasib Venglai Bazar-ah pawisa fai tellova Digital thiamna hmanga thil lei leh hralhna hmun atana puanna hun nimin khan hman a ni a. He hun hi Kolasib DC Pu Robert C. Lalhmangaiha chuan a hmanpui.

Lead Bank Manager Pu C. Lalnunpuia chuan Sawrkar laipuiin pawisa fai a sum khawih tih tlema Cashless Transaction kalpui chu a ngaih pawimawh thu a sawi a. Digital thiamna chuan tihpalh thil thu a pawisa a kim lo a in hlanchhawanna lakah te, eirukna leh hlemhletna lakah te nasa takin a ven thute a sawi a. India Sawrkar pawhin dik lo taka sum tihchetna awlsam taka zawhchhuah a nih theihnan Digital hmanga Cashless Transaction chu a kalpui thu a sawi bawk.

Mizoram pumah kumin March thla chhungin vantlang thil lei leh hralhna hmunpuite ah 100% Digitization kalpui turin ruahmanna neih mek a ni a. Kolasib Venglai Bazar Digitization puanna hunah hian Lead Bank Office-te buatsaihin Bazar chhunga thute'n Digital hmanga Bank Transaction an tih theihna tur Bar Code semchhuahna hun hman a ni bawk. He hunah hian RBI hnuai Financial Literacy kalpui hna thawktu Crisil Foundation-te leh Bank hrang hrang aiawhte an kal thei bawk a ni.



LOK ADALAT

Khawzawlah District Civil Supplies Office leh District Legal Services Authority Champhai te tangkawp buatsaihin nimin khan “Legal Awareness Campaign on Lok Adalat for Consumer Complaint” neih a ni.

Awareness campaign-ah hian kalkhawmte chu Khawzawl DCSO, Pu CC Sakhawliana chuan consumer te tana hriat tur pawimawh hrang hrangte, an dikna chanvo te leh an mawhphurhna te hrihlin, consumer an nih anga harsatna an tawh theih hrang hrangte leh chung harsatna leh lungawilohna thlenna tur District Consumer Dispute Redressal Commission chu District tinah a awm thu te, hengah te hian ziaka complaint hi theihluh theih reng a nih thu te a sawi a, hemi atan hian DCSO Office chu an inhawn reng thu te a sawi bawk a ni.

Champhai Chief Judicial Magistrate, Pu V. Vanlalhriata chuan kalkhawmte chu dan zawm kawngah theihtawp chhuah turin a fuih a, thubuai hlabuai an neihte chu ngawihbo pui mai lovin a thlenna tur dik takah thlen tur a nih thu te, District Consumer Dispute Redressal Commission-a kal kher lovin man chawi lovin Lok Adalat-ah thlen theih reng a nih thu te a sawi. CJM chuan hmeichhia leh naupang te chung hleihlenna a pun nasat thu te, Social Media hman sual kawngah hmeichhia leh naupangte chu a tuartu ber an nih thu te, dan chuan an dikna chanvo a humhalh flat thute leh heng thila manchhuaha awm te chu an chungah hremna na taka lak thin anih thute a sawi a, kalkhawmte chu hetiang kawngah hian theihtawpa fimkhur theuh turin a chah a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.



PM MODI, EU CHIEF VON DER LEYEN SET AMBITIOUS AGENDA FOR TRADE, GREEN ENERGY & CONNECTIVITY

Nimin khan Prime Minister Narendra Modi-a leh European Commission President Ursula von der Leyen-te chu New Delhi-ah an inkawm a.

Ram pahnihte hian sumdawna leh peipunna, thiamna leh thil chin thar, faina leh thahrui him zawk siamchhuah, inkalpawhna leh ram mipuite inpawh tawnahte thuk lehzuala hmalak an remti a. India leh Eroepean Union hian ramten kum 2025 leh a hnu lam atan hmachhawp an siam a ni.

An inkawm zawh hian Narendra Modi-a chuan kum 20 kalta chhunga India leh EU inlaichinna chu a nghet a, a tuantling a ni a ti a, inrintawna nghet tak an vawng a ni a ti. European Commission President Ursula von der Leyen pawhin India chu Europe thian tha a nih thu sawiin, ram pahnihte chu khawvela mipui rorelna ram lian ber ber an nih thu a sawi.

<><><>

HM AMIT SHAH ORDERS STRICT ACTION AGAINST ILLEGAL INTRUDERS

Union Home Minister Amit Shah chuan ram chhunga dan lova Bangladesh mi leh Rohingya rawn lut rute lo puia lo tuamhlawmtute chungah na taka hma lak a ni ang a ti a. Dan lova rawn lutrute hian ram himna pawian khawih a ni a ti a, khauh taka chet a ngai a ni a ti. Chutianga rawn lut rute chu finfiaha hnawh bo an ngai a ni a ti.

Union Home Minister hian nimin khan New Delhi-ah thuneitu sang thutkhawm a kaihruai a. He hunah hian Delhi Chief Minister Rekha Gupta, Delhi Home Minister Ashish Sood, Commissioner of Police leh mi pawimawh dangte an tel a ni.

He thutkhawmnaah hian Union Home Minister chuan khawlpui pahnih nei Delhi sawrkar chuan a leta chakin hmasawna hna leh Delhi himna tur a thawk dawn a ni a ti bawk.

<><><>

UK DEVELOPMENT MINISTER ANNELIESE DODDS RESIGNS

British-a International Development Minister Anneliese Dodds-i chu Prime Minister Keir Starmer-a'n ram venhimna lam tuam chakna tura ram dang mite tanpuina budget a tihtawp chu duh lovin a hna atangin a bang.

Prime Minister hnena lehkha a thehluhah Anneliese Dodds-i chuan ramdang mite tanpuina (international aid) tun kar tir lama tihtawp a ni ta chu pawian tih thu a sawi a. Mi chanhaite hnena chaw leh damdawi an pek thin tihtawp a ni ta chuan UK zahawmna a tihminghliaw thu a sawi a ni.

<><><>